



Collegii Iuridici In Alma Salana Decanus Johannes Suevius D.L.S. :
Aedem Virtutis & Honoris Romae contingam fuisse ... V. Ienae 13. Iun.
Anno 1624.

[Jena]


Suevus, Johann

Phil 2° 00268/04 (082)

https://dhb.thulb.uni-jena.de/receive/ufb_cbu_00007372

urn:nbn:de:urmel-d78a0588-0255-4831-8ded-b7affa582ce02-00006737-13

Lizenz: <https://creativecommons.org/licenses/by-sa/4.0/>



COLLEGII JURIDICI IN ALMA
SALANA DECANUS
JOHANNES SUEVIUS D.
L. S.



Adem VIRTUTIS & HONORIS Romæ contiguam fuisse, atque ita exædificatam, ut ad Honoris templum ingressus esset per Virtutis; antiquitatis periti multis demonstrant. Significare nempe Romani voluere, ad honores nemini aditum patere, fas æquum esse, nisi qui virtute eos demeruerint, ut se ipse omnibus commendet, & ad fastigium veræ laudis parare sibi adscensum sufficiat. Quæ in re quantopere aberretur, dum Mula pro Mulis sistuntur, earumque coronas sæpe auferunt, experientia testatur. Quod nesciat, ut quilibet vir bonus cavere & sibi curæ debet habere, quod videat, quem commendat, ita in Academiis, cum primis Professorum obligatio postulat, ut quo magis omnium iudicio sumus expositi, eò minus negligamus id operam dare sedulo, quo non nisi dignis supremi honores in re literaria conferantur. Id quod hætenus ea fide à nobis præstitum, ut ipsimet, qui illis ornati hinc abierunt, testes satis locupletes nobis esse possint. Cumque inter alios vir, quæ virtutem, quæ literas, præstantissimus CHRISTOPHORUS WALPURGERUS Aldenburgeris nomen suum apud Collegium nostrum hoc tempore profiteretur, inque Candidatorum numerum sese recipi decenter peteret, non inviti ejus desiderio annuimus, tum propter parentes ipsius honestæ famæ ac fortunæ, tum propter familiam, quæ istic locorum satis ampla est & conspicua, tum propter ipsius in primis Candidati eruditionem eximiam, quam pluribus vigiliis, atque laboribus in Academiis disserendo & legendo sibi comparavit, quæ sese nobis mirum in modum commendavit. Id enim argumento nobis fuit, ipsum, ab ineunte ætate, eam vitæ rationem iniisse, quæ non inerti, sed ocioso ocio tempus transmittendo ad utilitatem bonumque publicum est comparata. Hæc enim est, quæ admirabiles virtutis illecebras in animis hominum excitat, excitatas in dies singulos auget & confirmat, atque ad negotiosum vitæ genus aptum reddit atque idoneum. In quo nostram opinionem minimè fefellit. Nam in tentamine, quod nudiustertius sustinuit, eum sese, ad textus juris, qui omnium iudicio satis difficiles habentur, aptè respondendo præstitit, ut unanimi votorum consensu eum dignissimum judicaverimus, cui ad cursoriæ lectionem fores ultrò aperiremus. Tractabit autem ad craftinum diem hora nona matutinâ ex l. Lucius. 45. de vulg. & pup. subst. quæstionem illam omni ævo, quæ scholas, quæ tribunalia, decantatam & divexatam, *An liberi in conditione positi sint etiam in dispositione?* Quam pro ingenii dexteritate cum totam, quoad ejus fieri potuit, breviter quidem, at nervosè complexus sit, non dubium, quin operæ precium facturi sint, qui aurium ei operam ad illius horæ spacium præbuerint. Id qui fecerint, planè sibi persuadeant, & nostro honori & domini Candidati favori datum nos existimaturos: certè pro unius cujusque status Excellentia, dignitate, amplitudine, Claritate & literatâ eruditione talionis legem devotè & officiosè nos exercituros, nulli dubitent. V. JEN. 13. Jun. Anno 1624.

Typis JOHANNIS BEITHMANNI.

urn:nbn:de:urmel-d78a0588-0255-4831-8ded-b7affa582ce02-00006737-29